

欽定科場條例

八旗貢監生員筆帖式等科舉

現行事例

一八旗貢監生員筆帖式小京官應順天鄉試
由順天學政及國子監先期行文各旗造具履
歷年貌分別官民滿洲蒙古漢軍並包衣字樣
清冊移送該處錄科後徑送順天府准其投卷

入場

一各項拜唐阿內有係貢監生員出身者均准其鄉試其緣事罰充拜唐阿者不准應試。

一凡指定額駙及郡主身故未經續娶仍留額駙職銜者無論舉貢各項出身均不准再應鄉會試若額駙職銜業經革去仍准其應試

一直隸駐防生監應順天鄉試部於正月內行文都統副都統等處查明所屬應試貢監生員人數詳細開具清單蒙古邊疆等處

漢清冊。備文分送在京各該旗。嚴實徑送順天學政及國子監錄科。

一八旗應順天鄉試者。各旗先行者送兵部考試騎射合式者方准入場。

一八旗考試分別滿洲漢軍。如有包衣漢軍人員冒入滿洲中式者。本生斥革。咨送之該旗官交部照朦混造冊例。分別議處。

一繙譯生員。願應文鄉試者。該旗自行造冊咨送學政錄科。

一八旗廕生以旗員用。在本旗學習者。於未經得缺之前。准其應試。

例案

康熙二十八年覆准。滿洲蒙古漢軍。應鄉試之監生生員。均由兵部驗射馬步箭。能射者。准其移送順天府入場鄉試。

康熙二十九年題准。奉天滿洲蒙古漢軍鄉試之監生生員。准奉天將軍。副都統等驗射馬步箭。能射者。交與該府。分別考取。移送鄉試。

雍正七年

上諭凡由貢監生員考取小京官筆帖式者若願就鄉試俱准其與舉子等一同入場考試欽此

雍正十一年吏部奏准嗣後令各該旗於考試之時將應考人員詳加分別滿洲漢軍開註明晰咨送順天府註冊考試如有漢軍冒入滿洲額內中式者一經查出將咨送之該旗都統佐領等官交部分別照朦混造冊例議處該員照冒籍考試例革退舉人

乾隆三年議准滿洲漢軍考試各有一定籍貫
惟包衣人員有投充莊頭子弟隸內務府管轄
編入上三旗者又有舊漢人在內管領下及五
旗王公所屬包衣旗鼓佐領內者此等人員原
係漢人因考試之時俱由滿洲都統咨送是以
從前每有在滿洲額內入學中式者雍正十一
年經吏部奏准改正在案迄今日久包衣人員
或有不知此例者應行文內務府並八旗滿洲
都統嗣後包衣人員考試之時嚴飭該管官逐

一查明實係滿洲蒙古人員於本人名下註明滿洲蒙古字樣冊送外其投充莊頭子弟及內管領旗鼓佐領之舊漢人俱註明緣由另冊咨送歸入漢軍額內考試其再有將應歸漢軍考試之人造入滿洲冊內咨送者一經查出卽行叅奏將該管都統佐領分別照朦混造冊例議處

乾隆九年議覆戶科給事中周祖榮奏嗣後八旗鄉試順天府查明科冊箭冊俱有名者方准

入場如科冊有名而籠冊無名及箭冊有名而科冊無名者俱不准應試。

乾隆十二年。劄覆國子監咨稱。查由貢監出身之現任小京官筆帖式等官。及在部候選官員。此項人等。本監向未考送等語。查現任小京官筆帖式及在部候選等官。原因其係貢監出身。所以准其一體應試。應劄行國子監。凡由貢監出身者。照例由監一體錄科。其由生員出身者。仍赴學政衙門錄科。

乾隆十六年咨准繙譯生員唐侃等二名呈請
應文鄉試應令該旗自行造冊咨送順天學政
錄科。

嘉慶五年咨准鑲白旗滿洲五品廕生額勒德
理六品廕生秋格呈請鄉試該員係由廕生以
旗員用在本旗行走其未經得缺之前應照候
補人員之例准其應試知照該旗遇鄉試時一
體咨送錄科。

嘉慶十二年具奏正白旗滿洲監生那彥堪由

大員子弟挑補拜唐阿。可否准其鄉試一摺。奉
旨。那彥堪著准其鄉試。嗣後各項拜唐阿內。有係貢監
生員者。均著准其應試。其緣事罰充拜唐阿者。仍不
准其應試。著爲令。欽此。

嘉慶十五年。准護理安徽巡撫李奕疇咨稱。毫
州知州李堯文。係鑲紅旗漢軍人。次子李鏞。隨
帶任所。由監生遵例報捐衛千總。今逢文闈鄉
試。有志觀光。請咨明部監。以便錄科等情。到部。
經禮部行文該旗查照。生監加捐武官。於候補

候選時。從前。有無應過文闈鄉試舊案。旋據覆稱。李鏞由監生捐納衛千總。係武官。例不應文鄉試。當卽行文兵部等處一體查照。

又禮部具奏。和碩豫親王長女郡主額駙。授爲頭品頂戴文生員書英。應否准其鄉試。候

旨遵行一摺。奉

旨。書英毋庸入場應試。嗣後凡指定額駙者。無論舉貢各項出身。均不必再應鄉會試。著爲令。欽此。

嘉慶十七年。禮部具奏。豫親王郡主額駙書英。

因郡主格格病故續娶候補同知瑞齡之女爲妻照例革去額駙職銜可否仍以文生員應試請

旨一摺奉

旨書英著准其應試嗣後旗人身帶額駙職銜者俱不准應試若額駙職銜業經革去俱仍准其應試著爲令欽此

道光元年片覆國子監據

盛京正紅旗滿洲世襲恩騎尉文生員鵬程親齎

該將軍文冊赴監錄科查該員履歷冊內稱於嘉慶十七年考取文生員二十一年世襲恩騎尉現在

盛京將軍衙門充當閑職差使並未補缺等情查鵬程係

盛京正紅旗滿洲生員世襲恩騎尉尙未補缺之員應否由監錄科應試之處咨部覈覆等因前來查例載凡由文生員承襲世職尙未學習期滿補缺者准應本省鄉試又貢監生就職加捐

及候選候補人員順天由吏部據呈送部行國
子監錄科外省由府州縣申送學政錄科各等
語今

盛京正紅旗滿洲生員世襲恩騎尉鵬程赴監錄
科之處本部檢查該府二十三年學冊該生因
世襲恩騎尉職業於冊內除名今既據

盛京將軍以該職員現在本衙門當差並未補缺
給咨赴監錄科自應比照順天候補候選人員
准其由監錄科應試

道光四年禮部具奏正紅旗滿洲舉人侯執璧
係包衣漢軍。誤由滿洲籍貫報考中式現自行
呈首可否免其斥革。請

旨一摺奉

旨舉人侯執璧係包衣漢軍。誤由滿洲籍貫取中。本應
斥革。惟該舉人從前考試時其年尙幼係伊父誤爲
報考以致籍貫舛錯。今自行據實呈明。與被人首告
及該管官查出者有間。著免其斥革。罰停會試一科。
仍改歸包衣漢軍籍貫。其誤行咨送之該旗官著查

明交部議處。欽此。

道光五年。准順天府咨稱。順德府申送現任唐山縣教諭增德鄉試。該員係鑲藍旗漢軍副榜。是否應咨本旗查取履歷清冊。咨送兵部驗射馬步箭。抑係毋庸考箭。咨查聲覆等因。查唐山縣教諭增德鄉試之處。既據查明係鑲藍旗漢軍。自應照八旗人員之例。由該旗咨送兵部考驗騎射。再行投卷應試。

道光八年。准正紅旗滿洲都統咨。瑞昌佐領下

二品廕生喀那阿。現係六品頂戴。已食武職六品俸。隨旗當差。可否准其鄉試等因。查該廕生未經得缺以前。應照候補人員之例。准其應試。又准管理熱河都統咨。據生員西爾莫等呈請。俟學政按臨熱河之期。就近錄科等情。經本部。剗行順天學政。查明直隸駐防生員。向來不與科考。鄉試時。歸入在京滿洲生員。未經考列科舉者。一體羅試。所有熱河駐防生員。自應遵照向例。一體來京羅試。以歸畫一。

道光九年。咨覆直隸總督。豐潤縣生員田爾豐。伊高祖田應芳。帶地投充信郡王府莊頭。與入旗戶下帶地投充者有間。應由該督查明現在旗檔有名者。所生子孫。歸入漢軍考試。旗檔無名者。所生子孫。歸入民籍考試。至田爾豐先由民籍入學。現在旗檔有名。自應改歸漢軍考試。其子孫不得復入民籍捐考。

道光十五年。據正紅旗滿洲監生文都文璣呈請服滿鄉試。查該生等於道光十三年四月三

十日丁母憂扣至本年七月三十日服滿候在
八月鄉試入場以前與應考之例相符其驗看
騎射及錄科之處應由該旗造具滿漢冊分送
兵部國子監辦理。

道光十七年據正藍旗漢軍慶善佐領下新捐
監生文穎呈稱向隨親父達綸在陝西沔縣知
縣任所讀書本年因係鄉試之期回旗報到卽
請領佐領圖片報捐監生領照後具呈佐領補
送鄉試佐領以陝西咨文未到未敢率行送考

是以不揣冒昧。粘連部監二照。伏乞行知該旗。准其申送鄉試等情。查正藍旗漢軍文穎。既經報捐監生。自應准其鄉試。除將部監二照發給該生收執外。相應知照正藍旗漢軍都統查照辦理。

道光十八年。准刑部片查據宗人府咨送宗室成綿呈送家人孫成基不服管轄一案。查孫成基係

國初帶地投充景公府莊頭。並非由內務府撥出。

似與尋常八旗戶下之莊頭有聞。現查丁冊內
列有孫成基之名。其子孫延孫齡並未列入丁
冊。是否准其應試出仕。本部碍難懸斷。應片行
禮部查明王公戶下帶地投充。現在旗檔有名
之莊頭。及王公戶下帶地投充。現在旗檔無名
之莊頭二項。應否准其考試出仕。或應分別歸
入漢軍民籍之處。詳細聲明。片覆過部。以憑核
辦等因。查則例內載。內務府承領官地莊頭。及
王公戶下莊頭。准其應試。如旗檔有名。歸入漢

軍考試。旗檔無名。歸入民籍考試。其入旗戶下帶地投充莊頭。無論旗檔有名無名。均不准其應試等語。今孫成基係

國初帶地投充景公府莊頭。與入旗戶下帶地投充者有間。本部核與成案相符。自應准其考試。惟孫成基丁冊有名。其子孫延孫齡並未列入丁冊。一戶中有入檔不入檔之分。考試時恐啟影射跨考之弊。孫成基現在旗檔有名。其子孫歸漢軍報考。不得復入民籍。以杜朦混。

又據

盛京寧遠正白旗漢軍保陞佐領下附入京正白旗漢軍孫惟明佐領下拔貢生德恒呈稱係道光十七年丁酉科拔貢留京鄉試現屆十九年己亥科擬在京旗報考由京旗咨送順天府鄉試佐領因未辦過成案無憑出結送考伏思生係

盛京駐防向歸京旗管轄今鄉試在邇若仍回

盛京報考往返程途航延未免荒業乞行文京旗

出員圖結送考就近在京鄉試等因。粘連貢單具呈到部查。

盛京正白旗漢軍拔貢生德恒粘連貢單在部呈明留京鄉試。並請由部行文京旗出員圖結送考等語。自應准其留京鄉試。由京旗送考。相應知照正白旗漢軍都統轉飭該佐領卽行出員圖結由京旗報考。

又覆准

盛京將軍咨據遼陽正黃旗駐防蘇丹佐領下官

學生穆克登額。文童桂林等呈稱。身等原係國初台尼堪。歸入八旗滿洲一體當差。乃係正身旗人。並非三藩台站。身祖沈獨立。由進士授翰林院庶吉士。康熙年間撥來遼陽駐防。有歷年戶口冊可憑。今至桂林等遽然不准揀選官學生。卽係不准考試居官。呈請准其應試等情。當經本部行文都京正黃旗。查明穆克登額等之始祖以下。是否歷代居官。並台尼堪一戶。究係何項人丁。沈獨立究係何年歸入遼陽。茲據覆

稱檢查乾隆三十八年以後該處送到了冊俱屬相符其康熙二十六年間撥去駐防官兵底冊實係霉爛無存隨飭該族長繪譜具呈合將呈紙及伊祖譜咨部轉行等因查正黃旗滿洲穆克登額等呈請考試之處既據該將軍查明歷代居官人名俱有墓表家譜可証並據正黃旗滿洲都統轉據該族長送到繪譜均屬相符穆克登額等自應准其考試

又准

盛京將軍咨稱。復州正黃旗滿洲得力束佐領下
台蠻閑散烏力滾布。呈請考試前來。此案烏力
滾布之祖父。先年緣何入冊。事隔年遠。無憑根
查。惟其冊註有披甲當差。係入滿洲旗分。並非
另記檔案。迄今已歷七世。似與正身旗人無所
區別。可否與滿蒙一體考試。咨部示覆等語。當
經本部咨查該將軍。將烏力滾布一戶。究由何
項歸入旗籍。並何年撥入旗檔。詳細查覆。再行
核辦。茲據覆稱。烏力滾布一戶。實係事隔年遠。

原撥卷冊。霉爛不全。無憑根究。應否考試。仍咨部定擬示覆。以便遵辦等因。查復州台蠻烏力滾布。呈請考試。本部前因例無明文。咨查在案。本年八月。據該將軍另文咨稱。遼陽官學生穆克登額。前據該佐領以台蠻子聲明。不准考試。隨據該生等呈稱。始祖以下。歷代居官。並有墓表家譜可証等情。經本部行文該旗。都統查明。均屬相符。穆克登額等。自應准其考試。另文咨覆該將軍。查照辦理。今烏力滾布呈請考試之

處事同一律。自應一體准其考試。

道光二十六年。准刑部咨據正黃旗蒙古都統。奏交文生員成枚。應丙午科鄉試。在該旗教場考試騎射。托伊表兄護軍祥德。代替馬箭。經該都統看出。奏送到部。詰無許給財物情事。照律杖一百。革去文生員。免其發落等因。奉

旨依議。欽此。

又准正藍旗滿洲都統咨稱。本旗鎮國公綿壽。門上花連布管下。另戶漢軍附貢生廣元等。報

考鄉試正值本公之嫡母殞逝。本公不准鈐用
圖片。未經送考。咨部示覆等因。查生員惟親喪
不准考試。今正藍旗附貢生廣元等。係公綿壽
門上花連布管下另戶漢軍。不得因有公綿壽
母喪。阻其考試。

又據附生鴻道呈稱。係

盛京鑲藍旗滿洲潤凌阿佐領下人。本係漢軍緣
生父解寶。自幼出繼滿洲表親寶瑚為嗣。報考
時。卽歸入滿洲考試。現在表親生有子嗣。生父

子例應歸宗請更正二代旗佐經本部行文飭
取該生甘結宗圖該將軍僅將族長押結三代
清冊咨覆復經本部以該生歸宗應試滿合字
號攸關該生是否漢軍雖丁冊無存該協佐無
難就近詢查出具切實圖結茲據該將軍覆查
據和碩鄭親王門下包衣達李得春結稱冊載
附生鴻道實係漢軍加具印結咨覆前來查
盛京附生鴻道呈請歸宗之處既據該將軍飭查
實係漢軍取具圖記印結到部應准其歸宗

道光二十七年准察哈爾都統咨稱駐防獨石口千家店二處官兵子弟應考文童定例統歸總管駐防衙門送考合計人數至五六名方准考試。今千家店願考文童閑散福壽可否歸於張家口應考童生內一同考試。咨部示覆等因。查獨石口千家店既俱係總管駐防衙門所屬所有千家店願考文童之閑散福壽如無違礙自應由總管駐防衙門送考。

附載舊例

順治十四年停止八旗考試。
康熙二年奉

上諭滿洲蒙古漢軍生員俱准鄉試中式者送吏部錄用不中者革去生員欽此。

康熙十五年停止八旗考試。

乾隆二十四年奉

上諭此後滿洲蒙古現任三品以上大臣子弟伊親兄弟子姪有應試者令伊奏聞務必清語騎射皆有可觀方准考試欽此。

嘉慶六年覆准湖北學政茹棻咨呈稱荊州駐防文生員富猛等五名本年科試內有願應科試者應否由院科試或應由駐防衙門咨送回旗辦理之處查照示覆等因查駐防省分添設學額於嘉慶四年經本部會同兵部議奏各款通行各省在案今湖北荊州駐防取中各生有願應鄉試者自應由駐防衙門該管大臣咨送回旗照在京八旗生員鄉試例一體辦理。

嘉慶九年奉

上

論大學士保寧等會同禮部議駁阮元奏請駐防生員就近准其鄉試一摺所駁是各省設立駐防以寓武備國家立法自有深意其子弟遵守淳樸之風祇應以練習騎射爲本務原不責以通曉文義特因承平日久家絃戶誦其中有鄉學讀書之人未便阻其上進是以准令就近應考入學已屬格外恩施至願應鄉試者自應赴京與考定例鄉試錄科與在京入旗舉子先應考試馬步箭合式者方准入場以示不忘肄武之意若如阮元所奏欲令就近鄉試另編字號取中已屬格礙難行且各省應試人數多寡不齊若紛紛奏請另立中額實於體制未協並恐駐防入旗競思以文藝進身轉置騎射於不問必致拋荒本業流爲文弱漸失舊風殊有關係况京師爲入旗子弟世居顧名思義豈可入外省鄉試乎此事若係滿洲大臣陳奏尙當加之懲處姑念阮元係屬文臣未能通曉入旗政務尙可不加責備然其事斷不可行特通諭各省駐防咸喻朕意保寧等摺併發欽此

嘉慶十五年咨准西安駐防生員嗣後赴京應

又鄉試及繙譯鄉試酌於四月到京。於考試馬步箭及錄科各日期不致遲誤。至該處由何時起程來京之處由該將軍酌量程途遠近數定起程日期。赴京應考。

嘉慶十八年奉

上諭各省駐防官兵子弟。准其於本省就近考試入學。因鄉試必須來京。道途遙遠者。每以艱於資斧。裹足不前。現在駐防旗人。並議准就近應武童試。嗣後各省駐防子弟入學者。卽令其於該省一體應文武鄉試。於造就人材之道。較爲有益。其如何編號定額取中之處。著禮兵二部妥議具奏。欽此。遵

旨議准。各直省學冊內駐防生員除直省各駐防仍歸順天鄉試毋庸覈計外。應請自二十一年丙子科爲始。各省駐防生員於本省鄉試編立旗字號。另額取中。學政錄送十名。准取中一名。其零數過半者。亦准其照官卷例再取中一名。將來人數增多。總不得過三名。以示限制。內有願報捐貢監應試者。亦准其就近一體鄉試。並於入

恩旨准

場時照依順天鄉試之例另編坐號毋令與民籍士子互相攙混再各駐防生員應試時仍由各該駐防將軍副都統等考試馬步箭合式者再行咨送學政錄科以符定制

道光二年荊州將軍咨稱據入旗滿洲蒙古協領圖塔布等將曾經出兵並未打仗奏蒙

恩旨准其歸入著有軍功官兵內另冊註明及身而止之鑲黃旗滿洲托恩多布佐領下文生員閑散喜祿喜貴二名現未食餉情願歸入江陵縣民籍考試外并未經出兵現食餉之鑲黃旗滿洲文生員趕瑞正藍旗蒙古文生員圖拉鑲藍旗蒙古文舉人喜柱等二名俱係甲兵情願仍食餉當差另冊註明及身而止各等情咨送禮部查照等因查荊州駐防旗人查出抱養民人之子內除另冊註明之文生員甲兵趕瑞圖拉文舉人甲兵喜柱情願上旗食餉當差及身而止之處應如所咨辦理於存部學冊題名錄內註明外其文生員閑散喜祿喜貴二名既係另冊

註明及身而止。何以又准歸入民籍考試。該將軍憑何例案辦理。查明聲覆到日再行核辦。是年十月。准荊州將軍覆稱。文生員閑散喜祿喜貴係曾經出兵。並未打仗。另冊註明及身而止。防禦武爾滾布之子喜祿喜貴身係閑散。並未出兵。亦未食餉當差。自應銷除旗檔。該生等現係生員。卽應歸入民籍考試等因。查荊州駐防抱養民人之子內文生員喜祿喜貴二名。既據查明均係閑散。本身並未食餉當差。應如該將軍所咨。文生員喜祿喜貴准其改入江陵縣民籍考試。

附載駁案

道光七年。准吏部咨稱。正黃旗內務府漢軍拔貢文瑛。由豫東例捐納直隸州州判。分發廣東到省。未經得缺。丁父憂服滿。因老母告近。改掣河南。嗣經告假回旗。今據該員呈請將州判註

銷仍留拔貢應試。又據戶部咨稱該拔貢於本
年在部報捐筆帖式。知照到部當經本部行查
廣東河南各巡撫該員分發到省。曾否委署地
方。茲據河南巡撫覆稱試用直隸州州判文瑛
曾經委署陝州直隸州州判。道光四年三月到
任。是年十月卸事等因。咨覆前來。查正黃旗內
務府漢軍拔貢文瑛捐納州判分發到省業經
委署地方現雖註銷州判捐納筆帖式。所請仍
應鄉試之處。敷於定例不符。未便准行。
道光十四年片覆刑部片查准兵部咨稱准刑
部咨准

盛京刑部咨送填丁楊安解部轉發一案查楊安
係正紅旗祥昇佐領下填丁。是否照旗下家人
酌發駐防當差。抑或照奉天民人定發之處。希
卽查明咨覆等因。經本部片行戶部內務府查
明王府門下填丁。是否以正身旗人論。抑係以
旗下家人論。應否准與考試。聲明報部。茲據戶
部覆稱查楊安係該旗官兵戶下僕人。冊內註

丁楊安之。以父楊國賓故。祖楊崇禎。保造入看
守。定南武壯王墳。丁花名數內。至應否准與考
試。事隸禮部。應由刑部自行咨查等因。應片行
禮部。查明墳丁楊安。應否考試。卽行咨覆。過部
以憑核辦等情。查墳丁楊安。既據戶部查照。係
該旗官兵戶下僕人。自未便准其考試。

道光二十三年據

盛京岫巖城。正白旗滿洲崇祥佐領下拔貢生多
隆阿呈稱。係道光五年乙酉科拔貢生。現屆癸
卯科擬在京旗報考。由京旗咨送順天府鄉試
爲此粘連貢單。乞准行文京旗。出具圖結送考
等因。除將貢單一紙。發交該生收執外。應知照
正白旗滿洲都統。轉飭該佐領。出具圖結送兵
部看箭。並出具圖結送國子監錄科。旋據該旗
覆稱。各省駐防來京鄉試者。俱憑各處印文結
冊咨行到旗。本旗按照該處原結冊備文咨報
兵部等處。以便鄉試。今查岫巖城駐防拔貢生
多隆阿來京鄉試。並無該將軍印文結冊保送

鄉試本旗無憑辦理得難出結送考

道光二十四年據拔貢生觀潮呈稱生父明魁由京口駐防文舉人選授光祿寺署丞生隨任在京嗣因祭掃墳墓回至京口生係由京旗挑補官學生取入順天府學考取選拔與駐防貢監不同似與例應順天鄉試各生之例相符乞准歸入順天文闡鄉試等情當經行查鑲藍旗蒙古都統覆稱觀潮係隨父光祿寺署丞明魁之任在京挑補官學生考取文生拔貢伊父故後於道光十八年呈請告退官學生往京口祭掃墳塋並探看祖母情願歸於京口駐防入戶挑補差使是該生業已歸入京口駐防旗籍自應改應繙譯鄉試所請歸入順天文闡鄉試之處應不准行

道光三十年議覆安徽學政李嘉端奏請復各省駐防文試等因一摺查原奏內稱八旗以騎射為本尤貴兼通繙譯故京旗由騎射進者半由繙譯進者半而得人之盛乎試加多道光二

宣宗

成皇帝。其染虛浮之習。失淳樸之真。特爲停其

文試。改應繙譯。臣思此繙譯之駐防。皆昔之文
試未第者也。詩文夙所致力。繙譯自易見功。倘
讀書之士日稀。恐繙譯終無實際。請於咸豐元
年各省駐防。依前文試。仍照京旗兼試繙譯等
語。臣等查

國家設立駐防官兵。原所以資守衛。駐防弁兵子
弟。騎射清語。皆其本務。這涵濡

聖澤百數十年。嘉慶四年奉

旨。准駐防童生就應文試。嘉慶二十一年奉

旨。准駐防各生應本省鄉試。嗣後各駐防應文試者甚
多。每屆繙譯會試。該將軍等率以並無應繙譯
會試之人。否覆。是人文固微日盛。而本業未免
漸荒。道光二十三年奉

上諭。國家分設八旗兵丁。駐防各省。立意至爲深遠。嗣

因生齒日繁。披甲名額。例有定額。勢不能概令食糧
當差。而各弁兵子弟。亦有讀書向上。通曉文義者。聽

其應試以廣取進之階。所以造就人材。體恤旗僕者。無微不至。但思入旗根本。騎射爲先。清語尤其本業。至兼習漢文。亦取其文藝清通。便於繙譯。乃近年以來。各駐防弁兵子弟。往往驚於虛名。浮華相尙。遂至輕視弓馬。這荒武備。其於應習之清語。視爲無足重輕。甚至不能曉解。朕恭閱嘉慶五年

皇考諭旨。各省駐防人等。在於該省考試文生。原係於伊等格外恩施。若專務此而廢棄清語騎射。卽停止此例。不准考試。亦屬應該。俟清語騎射演習熟練時。方准考試等因。欽此。仰見我

皇考聖意周詳。訓戒諄諄之至意。因思清語騎射。全在該管大臣官員等。平日盡心訓飭操演。而弁兵子弟亦必令藉此進身。方能益加勤勉。現在武闡鄉試各省駐防一體與考。應試之人。弓馬如果熟嫻。不患無登進之路。其應文試者。必應試以繙譯。庶不至專習漢文。轉荒本業。除本科各省文鄉試。仍照例准其應考外。嗣後各處駐防。俱著改應繙譯考試。俾有志上進者。咸知非熟習清文。不能倖邀。以擢。自必爭相磨

勵日益精通。其各該將軍副都統等。尤宜隨時訓練。兼施毋得視為具文。因循積習。以副朕崇實黜浮之意等因。欽此。嗣經軍機大臣會同臣部詳議考試繙譯條欵。奏准通行各駐防在案。道光二十四二十六年二十九等年。繙譯鄉試各駐防內有無人應考者。有應考人數不敷取中。仍停考試者。數年以來。尙恐遠蒞遐邇。取敦本務實之風。漸摩未遍。何可遽議更張。必須行之已久。弓馬嫻熟。繙譯精通。然後再遵嘉慶五年

仁宗睿皇帝俟清語騎射演習熟練。方准考試之諭旨。或可徐議改圖。庶於

兩朝聖訓。皆不稍背。該學政請於咸豐元年駐防八旗宜復文試。與繙譯並行之處。似屬太驟。應毋庸議。

咸豐元年。咨覆鑲藍旗滿洲都統咨據文生員新放防禦葆謙呈稱。本年恭逢辛亥

恩科。由

東陵呈請鄉試。業經咨送本旗備考在案。旋於五月由

旗帶領引

見補放防禦應否鄉試之處。咨部示覆等因。查例載
文生員出身坐補防禦者。不准其鄉試等語。今
鑲藍旗滿洲文生員葆謙。既已補放防禦。應照
例不准鄉試。

科舉

雜項人員科舉

現行事例

一順天鄉試。

武英殿校錄。各寺院効力。各館膳錄人員。俱准應試。由貢監生充選者。正途貢監。於國子監錄科。其本係俊秀貢監。仍在國子監錄科。原卷送部。以備中式後校對筆跡。由生員充選者。除各省生員。亦歸國子監錄科外。其籍隸直隸者。仍於

順天學政衙門錄科俱由各衙門及各該處冊送。

一順天鄉試八旗官學漢教習由國子監錄送一順天鄉試正途貢監出身之各部院小京官候補候選者由國子監錄科現任者由本衙門咨送順天府無庸錄科其俊秀貢監出身者無論候補候選現任俱歸國子監錄科原卷亦送部備覈。

一凡順天由附生捐納候補候選人員即由地

方官申送者仍由學政錄科由吏部咨送者准其由國子監錄科

一候補候選人員俱准應試順天由吏部據呈咨送國子監查明出身分別錄科本省由府州縣申送學政錄科

一由貢監捐納職員業經取具赴選文結者如願應鄉試由吏部咨送國子監錄科其未經投文赴選之員仍由國子監照貢監之例辦理

一由貢監捐納佐貳等官分發及捐輸議敘職

官分發補捐監生者。尚未赴部領照驗看。均准其就應鄉試。

一順天鄉試。在館膳錄之直隸生員。仍由貝字號應試。

一生員兼充樂舞生者。如科考列在三等。遇鄉試時免其錄遺。准其一體應試。

一順天鄉試。欽天監肄業之天文生。由監生及各省生員充補者。本監移送國子監分別錄科。山順天生員充補者。順天學政錄科。其由生

員考取未經補額之先該監不得移送科舉。如業經肄業期滿者仍准一體取結入場。

一順天鄉試現任京外官胞兄弟子姪隨任讀書。其取具本官隨任印文無論正途俊秀一體收錄。京官俱用堂印。外官州縣以上具印文徑送國子監。或咨禮部轉送。佐雜由所任地方正印官加具印文申送。

一廩生領有執照准由國子監驗明錄送順天鄉試。其錄科照貢監之例由監查明出身分別

辦理。

一

聖駕臨雍陪祀觀禮之各氏聖賢後裔蒙

恩准作貢監有願留京鄉試者准由國子監驗照查
明出身分別錄科。

一

至聖廟執事官由貢監生充補情願鄉試者准令一
體應試若係生員童生准作監生應試。

一直省教職願就本省鄉試呈報學政考送。

一 邊省土司有志觀光陳請科舉准其一體應試。

一 各省孝廉方正給以頂戴榮身願應鄉試者本係生員仍由教官申送錄科止准應本省鄉

試本係貢監仍由州縣申送錄科

按道光四年護准生員保

舉孝廉方正以知縣用在部投供候選者准應順天鄉試由吏部咨送國子監錄科詳載例案

一 難廩監生及由文生員承襲雲騎尉恩騎尉

世職尚未學習期滿補缺者俱准應本省鄉試由各該學政錄科其承襲世職中有未諸弓馬

願應鄉試者卽以本職頂戴作爲文生員准其

一體應試

謹按道光十六年奉

旨馬成

嗣後一二三等輕車都尉及騎都尉世職比照雲騎尉恩騎尉之例准其以文武生員兼襲應試不准以本非文武生員將輕車都尉騎都尉世職改作生員應試以示限制詳載例案

一恩廕佐雜各員未經赴省効用與分發各省

佐雜不同准其一體鄉試

一由廕生出身奉

旨內用補授順天奉天經歷者准其一體鄉試

一番民子弟俱准其捐納監生並鄉試之年與

漢民生監。一并憑文去取。卷面不必分別漢番。取額亦不必加增。

一由俊秀議敘職銜。又已滿吏捐納職銜人員。均准其補捐監生。一體鄉試。從九品職銜。准其重試。詳載駁案。

一正途及俊秀貢監出身之京職人員。業經在部寺學習行走者。實因事故回籍。試期已近。准其在籍一體鄉試。仍由該地方官查明回籍緣由。申送學政錄科。至因親老終養人員。如中式後。應俟終養畢。方准給咨會試。

一曾任六品以上實缺京官另捐離任候選者
准其一體鄉試。其實缺者均不准應試。

例案

雍正七年覆准教官情願應試許呈報學臣入
冊送考。

雍正八年議准。

至聖廟執事官其由貢生監生充補有情願鄉試者
令其一體鄉試。若係生員童生准作監生應試。
雍正十三年議覆貴州學政晏斯盛奏請土司

龍紹儉准其鄉試之處應毋庸議等因奉

旨土司龍紹儉原由生員出身既有志觀光陳請科舉

著准其一體應試若得中式其土司世職亦可著伊

將應襲之人舉出請襲欽此

乾隆元年廣西土司徐國承貴州土司安守仁

楊世正俱經該學政援例奏請鄉試

乾隆元年奉

上諭凡由捐納候選之貢監舉人例不得與鄉會試從
前事例內有捐應鄉會試一款今捐例已概停止此
等貢監舉人有志科名者勢皆不得授例與試矣朕

思此等人員。尙在需次選曹。與旣登仕籍者有間。不得因捐資候選。屏諸場屋之外。直隸各省貢監生捐官。願與鄉試舉人捐官。願與會試者。准令一體考試。以示鼓舞人材之意。欽此。

乾隆九年。議覆御史楊開鼎條奏查各省府州縣所舉孝廉方正。其才具明達者。旣經送部引見。分別錄用。其餘愿謹之士。祇給頂戴。與旣登仕籍者不同。每遇賓興之期。仍可一體應試。正與科場條例所載捐納人員。銓選未經得缺。俱准鄉試。

之例相符。故近科鄉試。由保舉孝廉方正中式者。亦不乏人。原未嘗有不准鄉試之例。但直隸各省教官州縣。因其既已出學。則生監冊中無名。造送之時。或不無留難之弊。亦未可定。請再通行直省督撫學臣。凡孝廉方正。給以頂帶榮身。願應鄉試者。本係生員。仍由教官申送錄科。本係貢監。仍由州縣申送錄科。學臣務嚴加考試。如文藝果佳。自不得阻抑其進取之路。亦不得以已經保舉。濫行錄送。

乾隆二十一年。覆准御史程廷棟條奏。查肄習天文生。既經該監奏明。選取三十名。以二十四名附於算學。六名交漏刻科學習。應請卽照此數著爲定額。不得於額外多取。再肄習人員入監之始。原憑同鄉京官印結收錄。但從前並不考試。其人之可否造就。實屬無從監別。嗣後額缺需人。應由該監自行奏明。嚴加考試。於投結願考人內。試其術業。可以造就者。酌取數名。依次補充肄習之額。仍將考取人數。造冊送部存

覈其由生員考取。未經補額之先。該監不得移送科舉。

又覆准。各寺院劾力生員。每逢鄉試之年。有由該管衙門咨送學臣者。學臣仍分欵咨送。但須將科考之冊。彼此互對。不得重複開送。致滋混淆。

乾隆四十四年覆准。查乾隆十二年據國子監咨查。現任小京官應否錄科之處。經本部查照舊例。應一體錄科。創覆在案。嗣經本部議准。在

京候補候選人員。由吏部據呈送部。行國子監錄科。其現任小京官。由本衙門咨送一體冊送順天府。今吏部小京官溫承恩。係欽奉

特旨以部員用。經吏部議准以七品小京官在部行走。自與候補候選人員不同。應照例冊送順天府。至本年五月內。劄送本部學習司務李之楷等。雖俱在部行走。仍係候補之員。應照例由國子監錄科。

乾隆五十年。議准兼管順天府府尹曹文植等

條奏。順天府樂舞生。准令生以兼充。如有科考
列在三等之人。遇鄉試時免具錄遺。一體鄉試。
乾隆五十二年奏准。由俊秀等項捐納貢監者。
無論小京官官旗民卷。皆應從嚴甄錄。屆期奏
請大臣秉公彙考。不得將文藝荒蕪之卷。濫行
錄送。嘉慶六年議准。俊秀貢監生。仍在
國子監錄科。案詳貢監科舉門。

乾隆五十五年奏准。查天文生一項。有由監生
充補者。有由各省生員充補者。向來鄉試。國子
監與順天學政。均可錄科咨送。但兩處考試。易

啟趨避。請嗣後凡各省生監俱歸國子監錄科。
順天生員仍歸順天學政錄科。以昭畫一。

乾隆五十六年。覆准河南巡撫馮光熊咨。楊炳
紹係難廕八品監生。呈稱弓馬素未嫻習。願入
文闈鄉試。查與武生捐監准入文闈之例相符。
應准其一體應試。但不得再入武闈。以滋弊混。
乾隆五十七年。覆准山東巡撫咨。承襲恩騎尉
世職劉文鳳。本係文生。情願應文闈鄉試。查與
楊炳紹之例相符。且劉文鳳本係文生。應准其

於未補缺之前一體入文闈鄉試。

嘉慶三年覆准本年

臨雍陪祀觀禮各生前經照例創送國子監肄業並移咨吏部議敘在案。有情願留京鄉試者應俟領到執照後准其由監驗明其由廩增附生出身者照正途貢監例錄科。由武生奉祀生俊秀出身者俱照俊秀貢監例錄科。至在監讀書及在部候考之各廩生考到錄科之處應仍照各省貢監鄉試例查明廩增附生及俊秀出身分別

辦理。

又劄覆國子監咨稱。查各旗造送鄉試人員冊內。五品廕生慶惠。係捐監出身。自應准其鄉試。所有七品廕生崇桂。係官學生。並非貢監生員。應否准與鄉試等語。查嘉慶元年。恩廕生業經吏部奏定給發執照。應准其與貢監生一體鄉試。

嘉慶五年。覆准國子監咨稱。捐納職銜及議敘捐納雙月人員。未經投遞赴選文書人員。應否

該員呈請吏部咨送。或取有本籍地方官印文。及所在地方官印文。投遞到監。即可收考等因。查捐納人員。原因其貢監出身。是以准應鄉試。其分別起文錄送之處。除候補候選者。例由吏部咨送外。至未經投遞赴選文書之捐納人員。既未投文投供。吏部亦無從查覈真偽。及有無事故。自應仍行分別正途俊秀。與未經捐納職員之貢監一例辦理。

嘉慶九年。覆准浙江巡撫阮元咨。海寧州原任

兵部主事。

恩賞員外郎職銜周嘉猷之子周樂清。於嘉慶元年欽

奉

諭旨。留於軍營以佐雜補用。時因該員年未及歲。不能
前赴軍營。今川楚大功告竣。志圖上進。應否准
與鄉試。請示到部。當經本部行查吏部。據覆四
品以下廕生。只准作為監生。並無另有官職。遇
考職年分。准其與捐納貢監生一體考職。以主
簿吏目二項分別去取。周樂清係因年未及歲。

未經赴省。似與候選人員無異等語。查恩廕佐雜各員。未經赴省効用。自與分發各省佐雜不同。周樂清應比照候補候選人員之例。准其一體鄉試。

又覆准

實錄館咨本館恭纂

實錄。非別館循例修書者可比。謄錄貢監生。應准免錄科等因查

國史館功臣館謄錄。請免錄科到部。均經本部咨

駁至

貢錄館俊秀貢監例須覈對筆跡自應一體錄科既據貢錄館咨送應聽國子監照例考試其正途貢監出身之繙譯膳錄官明亮等應准免其錄科

又議覆四川總督勒保咨土司子弟輩多有嫻習時文者因未經應考上進無階擬於附近州縣附籍應考又恐學額有定情願援例捐監應試咨請示覆到部查學政全書內載雍正八年議准四川建昌府屬之熱番建寧學舍訓課俟

通曉文義之後。准其應試。地方官照例收考。是
番民准應重試。久已定有專條。其未應重試之
人。遇鄉試年分。自應照漢民之例。准其一體捐
監入場。仍責成各該土司查明身家清白。取具
族隣甘結。加具土司印結。申送附近所屬州縣
再行加結。由該督彙齊送部查覈。以昭慎重。至
所請鄉試之年。與漢民生監一併憑文去取。卷
面不必分別漢番。取額不必加增之處。均應如
該督所咨辦理。再查湖廣之苗。徭。廣東之黎。峒。

廣西之士官士目子弟。雲南威遠之彝人。四川
茂州之羌民等。向俱准應童試。其中如有情願
捐監者。與番民事同一例。可否准其報捐出自
天恩等因具奏奉

旨依議。其湖廣之苗。猺。廣東之黎峒。廣西之士官士目
子弟。雲南威遠之彝人。四川茂州之羌民等。嗣後如
有咨請情願捐監者。自應一體准其報捐。此時可毋
庸通行知照也。欽此。

嘉慶十二年。敷覆順天府咨呈。准

實錄館收掌官廷瓚。漢唐錄官張文達等大十一員。照上屆之例。免其錄科。徑送順天府一體會試等語。查前據國子監咨稱。

實錄館咨送正途。唐錄內有安徽宣城縣張炯。由監生保舉孝廉方正。統行造入正途。免錄冊內。經本部查該員既非正途貢監出身。應與俊秀監生出身之漢唐錄官賀萬年等一體在國子監錄科。業經本部另文知照在案。應剗覆順天府。仍於各員內查明出身。照例分別辦理。

又覆准。嗣後凡順天由附生捐納候補候選人員。如由地方官申送者。仍由學政錄科。由吏部咨送者。准其由國子監錄科。

又覈覆吏部咨。候選未入流監生董象奎等。丁憂服滿。均在本籍報明起復。文結尙未到部。應否鄉試等因。查服滿日期。總以丁憂日期扣算。其服明丁憂有案者。本生於服滿之處。斷難朦混。今董象奎等。係有職人員。丁憂服滿。本部均無憑查覈。應由吏部查明該員等。如實有

丁憂回籍案據卽係秀貢監亦據照正途貢監之例一體取具同鄉京察以實時結報其錄利鄉試若從前丁憂時並無否報呈報之案則日期無從扣算無論正途秀出身均不准錄送嘉慶十八年最復國子監右順天監生陳均芳取算學生曾經肄業期滿在監候補天文生應否由欽天監文送本部例無明文應仍照俊秀監生之例辦理。

嘉慶二十三年片覆順天府咨以翰林院等處

孫崇站係曾任實缺縣任人言其於前二科經
送本衙門鄉試但究係縣令候缺例無明文准
否無庸錄科卽准鄉試之處雖未奉禮部直
照示覆等因前來查科場條例內載明天鄉試
凡正途貢監出身之官翰林小京官候補作選
者由國子監錄科今孫崇站係候補人員
應由翰林院送監錄科

嘉慶二十四年刻題國子監右稱書院九品
士應否准其錄科一案送本部科場處議

各部院小京官由俊秀貢監出身者無論候補
候選現任俱歸國子監錄科等語今太醫院從
九品醫士駱師崇既據持文赴監應照例准其
錄科應試

道光元年。劉覆國子監咨呈稱。候選中書科中
書曹江係由三品廕監生補授大理寺評事。緣
事革職。本年二月查辦廢員奉

旨以中書用。現在吏部投供候選可否准其應試等因。
查該員由廕監生補授大理寺評事。嗣因緣事

革職今既欽奉

特旨以中書用自應准其鄉試

又劄覆國子監咨稱安徽廩貢張鈞樂現捐訓導分發應否准應順天鄉試等因查例載教官情願應試許呈報直省學政入冊送考又候補候選人員俱准應試本省由府州縣申送學政錄科各等語今安徽廩貢張均樂捐納訓導分發與在部候補候選者不同自當照例就本省鄉試

道光二年。覆准。福建巡撫咨稱。連城縣職監吳慶德。由監生加捐營千總職銜。因有志科名。愿將所捐營千總虛銜執照繳銷。仍留原捐監生考錄。以應文鄉試等因。到部。當經本部行查兵部。將吳慶德原捐營千總應否准其註銷去後。茲准兵部覆稱。吳慶德既有志科名。應准其註銷營千總職銜。至應否仍留監生應文鄉試之處。聽禮部自行覈辦等因。前來。查福建連城縣職監吳慶德。由監生加捐營千總職銜。因有志

欽定科場條例

卷四

雜項人員科舉

完

科名願將虛銜註銷仍留原捐監生應試既經兵部准其將加捐虛銜註銷咨覆到部自應准其仍留監生考錄以應文鄉試

又禮部奏准改歸民籍之繙譯舉人文生員准其一體應試一摺查民籍本無繙譯舉人生員是以由旗改歸民籍作何考試之處向無成例惟查繙譯舉人願應文會試繙譯生員願應文鄉試者俱准考試歷經辦理在案是繙譯舉人生員本有准應文場考試之例今改歸民籍之

正紅旗繙譯舉人門洪阿應准其改作文舉人
一體會試。繙譯生員雙貴舒奎准其改作文生
員。一體鄉試。並請嗣後各旗如再有續行查出
由繙譯取進之生員舉人均照此辦理其不能
由文途進取者准其頂戴榮身。

又劄覆浙江學政咨呈據西安縣詳據職監陳
林業呈稱職監本屬業儒前經請給州同
職銜並捐二級請父母及本身二代從五品

封典仍在籍肄業力圖上進茲逢本年鄉試志切觀

光生請給文赴試前來本部院查貢監生就職
加捐候補候選人員例准鄉試惟該職監督經
請過本身

封典是否仍與就職加捐候補候選人員均准鄉試
之處例無明文應請查明示覆等因查定例候
補候選人員准其應試其候補候選業經請

封者並無不准應試之條今浙江監生加捐州同職

銜陳林業雖經捐請從五品

以究與候補候選無異應往其一體應試

又奉

上諭姚文田奏教官鄉試請仍照例考送一摺教官願就本省鄉試者例應與生員一同考送嗣後無論候補現任著仍由學政普律考送以歸畫一欽此

又劄覆江蘇學政咨衍聖公府司樂官戴康衢准安府清河縣附生歲考積欠三考斥革其生員冊內應否免其除名註以授職開除之處咨部示覆等因查江蘇附生戴康衢該省道光元年學冊已註欠考項下茲復據該學政咨呈稱

該生前充司樂。因患病曠差被革。今蒙衍聖公
准其復充。是職等語。是該生因差欠考情。尙可
原應准其以授職除名註冊。不得再應鄉試。

道光四年。批示安徽孝廉方正。候選知縣鄭通
授。呈稱緣職現年五十一歲。係安徽徽州府祁
門縣學廩膳生員。經兩江總督孫玉庭保舉堪
備。

召用引

見奉

旨以知縣用職現在吏部投供候選不克回籍伏查候
補候選人員例准一體南北鄉試職係由廩生
保舉孝廉方正在部投供可否由國子監一體
錄科送考因明年值大比之期爲此先行呈明
伏乞恩准覈示等因具呈前來查科場條例內
載各省孝廉方正給以頂戴榮身願應鄉試者
本係生員仍由教官申送錄科止准應本省鄉
試本係貢監仍由州縣申送錄科又載候補候
選人員俱准應試順天由吏部據呈咨送國子

監查明出身分別錄科等語。今安徽廩生由孝廉方正考試奉

旨以知縣用之鄭通授。既據聲明。現在吏部投供候選。與頂戴榮身者不同。應照候補候選人員之例。由吏部咨送國子監錄科。應試順天。

又奏准。據順天府尹咨稱。經歷辛鵬雲可否一體鄉試。請覈覆到部查科場條例內載。順天鄉試正途貢監出身之各部院小京官候補候選者。由國子監錄科。現任者由本衙門咨送順天。

府毋庸錄科。其俊秀貢監出身者。無論候補現任。俱歸國子監錄科。又載各省佐貳等官。所司皆地方緊要之事。概不准其鄉試等語。是在京現任七品小京官。俱准鄉試。各省佐貳等官。不准鄉試。歷經辦理在案。至順天府經歷一職。應否考試。例無明文。惟該員係由廩生出身。奉

旨內用。選授今職。與由佐貳人員陞任者不同。應否比照現任小京官之例。准其一體鄉試之處。伏候欽定遵行等因。奉

旨。順天府經歷辛鵬雪。准其鄉試。欽此。

道光五年。准四川學政咨。據崇慶州新進文生
楊煊呈稱。生祖楊遇春。係現任陝西固原提督。
嘉慶二十五年。恭逢

登極覃恩。例得五品廕生。以生承襲。因年未及歲。聲明
隨任讀書。茲應本年文童科試錄取。理合將本
係廕生之處。據實聲明等情。查該生由廕生應
文童科試入學。尙在未經赴部之前。其歲考錄
遺。應否與諸生一例辦理。咨請示覆等因。查四

川崇慶州五品廕生楊煊於未經赴部引

見之前應文童科試入學其錄遺之處應照文生員兼襲恩騎尉世職之例一體辦理並免其歲考。

又議覆吏部湖南候選教職柳廷恩據吏部咨稱該員業已試用三年期滿應否准與順天鄉試經本部查該員雖經分發業已試用期滿。與現在分發試用之員應在省聽候委用者有間。應准其應順天鄉試。

又准國子監咨呈稱准吏部劄送候補候選人

員錄科黏單內開趙步雲係山東益都縣廩貢生原任德州訓導革職捐復原官補用等因該教職願應順天鄉試是否合例咨呈示覆查山東益都縣廩貢趙步雲係原任德州訓導革職既經捐復原官候補自應准其應順天鄉試

道光六年禮部奏准據六品銜鄭爾枏呈稱係浙江慈谿縣人矢志芸窗以圖進取前因創建義莊由俊秀議叙六品銜在案因歲試在即將作何應試之處呈明本署詳蒙學憲批示有頂

戴人員不准應童試亦不准援照世職應鄉試等語爲此取具同鄉京官印結黏呈投遞伏乞查察例案應如何考試等情具呈到部查則例內載出資捐修

文廟議叙各員如係貢監出身准其鄉試等語該職員既經得有六品頂戴固未便准應童試惟由俊秀議叙虛銜並非由監生出身又未便准令鄉試當經行文戶部查明此項人員有無補捐監生例案去後茲准戶部覆稱捐職從九品未

入流補交銀兩准作監生。辦有成案。至議叙職銜人員。補捐監生。並無例案。等因。咨覆到部。伏思民人。非有身家不清。及刑傷過犯等情。並無不准考試之條。今浙江俊秀鄭爾杓。並不在前項不准考試之例。若因創建義莊。議叙六品職銜。竟不准其應試。是該俊秀。本以善舉邀榮。轉致終身廢棄。上進無階。似不足以昭激勸。應請准其照俊秀之例。補捐監生。就應鄉試。以符例意。等因。具奏。奉

旨。浙江議叙六品銜鄭爾相。准其補捐監生應試。欽此。
道光七年。准戶部咨。據捐職未入流徐占魁呈
稱。由已滿吏捐未入流職銜。今因有志觀光情
願。補交銀四十兩。作爲監生。以便應試。應行文
禮部查明聲覆等因。查已滿吏。非現充書吏之
人。且經取有身家清白甘結在案。並無礙於流
品。所有由已滿吏捐未入流職銜之江蘇儀徵
縣徐占魁。呈請補捐監生應試之處。自應准其
補交銀四十兩。作爲監生。一體應試。

又咨覆吏部咨准江西巡撫咨稱。弋陽縣已革生員陳珪。先經伊外祖周邦燮。以陳珪之名在部代爲報捐從九品。在籍候選。因陳珪尙在年幼讀書。恐其聞知廢學。與其父陳啟衡均匿不告知。嗣陳啟衡令其以陳珪之石應試入學。迨至道光四年十一月內。陳啟衡病故。陳珪先以生員在學呈報。丁憂。嗣檢查伊父捐照繳銷。始查出陳珪原捐執照一紙。得悉前情。因不知例案。復出職官赴縣報丁。旋即邀同族鄰。據實檢

舉節據該府縣訛供無異。與有心朦混者不同。可否援照茅松齡祝華封成案將陳珪生員註銷仍留捐職。抑將生員捐職一併斥革。以杜趨避等因。查定例捐納候選之貢監生。未經赴省効用。准其一體鄉試。是佐雜各員既有准其鄉試之例。自不得復應童試。案查嘉慶二十二年浙江茅松齡以分發試用通判。因告假回籍。復行入場中式。又二十四年陝西廕生縣丞祝華封並不呈明廕生。徑行投考。入學後始行呈明。

該生等均係原名投考。可見並無取巧情事。是以僅將舉人生員註銷。仍留原官廩生。今江西捐職從九品陳珏。係以陳珏之名報捐。繼以陳珏之名應試。與茅松齡祝華封二案。以原名考試者不同。未便援照辦理。應將陳珏卽陳珏生員及捐職從九品。一併斥革。以杜趨避。惟該生究係自行檢舉。與被人告發者有間。應准其以陳珏之名捐考。以示區別。

道光八年奏准。據廣東學政咨稱。由正途及俊

秀貢監出身之京職人員業經在部寺學習行走者向止在國子監錄科其應否在本省鄉試之處例無明文但思其中有實因事故回籍如丁憂甫經服闋告病就痊未及給咨赴部者又或因親老終養未能遠離或因設措資斧未能遽出若概不准其就近在本省應試未免向隅可否准其在本省鄉試之處咨部覈覆查各項人員本係例准鄉試之人既因事故回籍試期已近似應准其在籍一體鄉試仍由地方官查

明回籍緣由申送學政錄科。至該學政所稱親老終養一項人員本不准遠離本省在籍應誠於例義亦爲允協。惟中式後應俟終養畢方准給咨會試。

道光十四年具奏奉天府經歷辛鵬雲應否一體鄉試等因一

旨奉天府經歷辛鵬雲著准其鄉試。欽此。

又劄覆國子監。本年甲午科鄉試准鴻臚寺咨送候補序班大興縣廩生沈鈞赴監錄科查候

補人員。鑒掣各部院學習候補。向由各部院咨送錄科。其投供赴選人員。由吏部劄送錄科。本監查明出身驗照收錄。其鴻臚寺序班。係順天生員充補。本監並無辦過成案。是否本監收錄。抑歸順天學政錄送之處。應咨呈禮部查明。劄覆等因。當經本部劄行順天學政。查明此項人員。向來鄉試。是否歸學政錄科。准該學政覆稱。查鴻臚寺候補序班。大興縣廩生沈鈞。例應咨送本院衙門錄科。轉送順天鄉試。

道光十五年准奉天府尹咨據奉天府經歷辛鵬雲詳請赴都鄉試可否仍照實缺人員之例咨送國子監錄科等因查奉天府經歷辛鵬雲准其鄉試之處係由本部援引該員順天府經歷准其鄉試之案具奏奉

旨允准今該員錄科之處亦應照該員順天府經歷任內咨送錄科辦理

道光十六年奉

旨馬成金著准其以文生員兼襲騎都尉世職嗣後承

襲一二三等輕車都尉及駙都尉世職比照雲騎尉
恩騎尉之例。准其以文武生員兼襲應試。支食世職
俸銀。該部仍於帶領引見時。將應否兼襲之處。聲明
請旨。其捐貢捐監人員。概不准其兼襲。亦不准以本
非文武生員。將輕車都尉騎都尉世職改作生員應
試。以示限制。該部卽纂入則例。永遠遵行。欽此。

道光十七年。覆准直隸總督。據磁州增生捐納
從九品王丙。因無力赴選。仍由生員應試。情愿
註銷報捐職官等情。咨部查照。當行本部行查。

吏部據覆稱王丙。准其註銷捐職等因。查直隸
增生捐納從九品王丙。業據吏部准其註銷捐
職。惟未便仍還增生。致與定例不符。應准其以
附生應試。

又劄覆國子監。本年丁酉科鄉試。准吏部咨送
順天大興縣附生。由鴻臚寺序班遵籌備例。捐
縣丞雙月選用之莫以楠。赴監錄科查莫以楠。
由生員報捐縣丞。是否本監錄科。抑歸順天學
政收考之處。應咨呈禮部查覆等因。查科場條

例內載。順天由附生捐納候補候選人員。由吏部咨送者。准其由國子監錄科。今莫以補由順天附生報捐縣丞。既據吏部咨送。應照例由國子監錄科。相應劄覆國子監查照辦理。

又奉

上諭。昨據給事中成觀宣奏。本科順天鄉試中式第六名童丙榮。係戶科書吏童瀚改名朦考。當飭禮部查取童丙榮鄉試原卷。交軍機大臣查對筆跡。文理俱與覆試卷相符。惟未曾呈明註銷書吏。究有不合。童

丙榮著罰停會試一科。所有該給事中自請議處之處。著毋庸議。欽此。

道光二十年。准兵部咨兵科抄出本部題前事。內開。據廣西巡撫梁章鉅題。世職史繩業。因習技跌傷。辭退。查有史繩業嫡長子史麟祥。現年二十三歲。係文生員。請兼襲雲騎尉世職。支食俸銀讀書鄉試等語。覈與定例相符。史麟祥應准其以文生員兼襲雲騎尉世職。照例給與俸銀等因具題。奉

旨依議。欽此。知照前來。應劄知廣西學政。將文生史麟祥兼襲世職。仍准其一體應試。造冊報部。

道光二十一年。准兵部咨。本部題准雲南殉節知縣陳于宸九世嫡孫蒙化廳廩生陳繼賢兼襲世職。仍應鄉試等因。陳繼賢應准其以廩生兼襲恩騎尉世職。仍應鄉試。照例給與全庫。

道光二十二年。本部具奏。由大理寺寺丞改捐主事候選之楊炳光。係曾任六品實缺京官。可否准其鄉試一摺。據候選主事楊炳光呈稱。係

山西汾州府介休縣人。於道光十三年遵籌備
例由貢生報捐寺丞。十五年學習行走。十七年
四月補缺。茲職由大理寺寺丞改捐主事。離任
候選。取結具呈。懇請鄉試等因到部。當經行查
戶部。該員改捐主事。是否屬實。並查大理寺。該
員是否已經離任候選。據覆稱該員現已報捐
主事。離任候選。查科場條例內載。順天鄉試。各
部院小京官。由俊秀貢監出身者。無論候補候
選。現任。俱歸國子監錄科。又載舉人現任中書。

評事博士助教學正學錄及小京官等准其會
試各等語是以臣部辦理鄉會試事宜七品以
下京官無論實缺候補候選均准應試六品以
上京官候補候選者方准應試其實缺者均不
准應試歷經辦理在案再由六部司員降補者
例亦不准應試至曾任六品實缺京官另捐官
職離任候選應否准其鄉試之處臣部例無明
文亦無辦過成案今楊炳光由大理寺寺丞改
捐主事離任候選該員係曾任六品實缺京官

可否准其一體鄉試之處伏候

欽定如蒙

俞允臣部纂入科場條例永遠遵行等因奉

旨候選主事楊炳光著准其一體鄉試餘依議欽此。

道光二十三年准國子監咨呈稱准吏部咨送
兵馬司副指揮翟聲玉剿賊積勞病故照例加
贈都察院經歷銜並廕一子入監讀書六月期
滿以縣主簿註冊候銓嗣據該廕生翟九芝稟
稱願應本年癸卯科順天鄉試等情查翟九芝

並非生監出身承廕。應否准其錄科鄉試。本監
並無辦過成案。應咨部查覆。以憑錄科送試等
因。查難廕生翟九芝係現廕主簿註冊候銓之
員。與分發各省佐雜不同。雖非監生出身。亦應
一體准其鄉試。由國子監驗明執照錄科送考。
又准國子監咨呈稱。本年癸卯科鄉試。據山西
芮城縣俊秀監生郭建本。出具遊幕文結。赴監
錄科。本監查驗戶部執照。該生係遵酌增二卯
例捐縣丞。今遵豫工二卯事例捐過班。並指捐

分發甘肅試用。據稱並未在吏部領照。亦未驗看。核與到省試用者似覺有間。但本監並無辦過成案。應咨部查明。應否准其鄉試。示覆。過監等因。查山西芮城縣監生郭建本。報捐縣丞。雖經指省分發。究未驗看領照。與分發到省者有間。應比照候補候選人員之例。准其鄉試。

又據監生周循方呈稱。係貴州貴陽府貴筑縣民籍。於道光二十二年在江寧捐輸。以鹽課大使投効江蘇海疆。俟試用期滿後。留於兩淮。遇

缺卽補舉

貢歸捐班前用。現在尙未投供領照驗看。情願應順天鄉試。爲此取具同鄉京官印結。粘呈投遞。乞准知照。國子監考到錄科等因。查貴州貴陽府貴筑縣監生歸捐班前用之鹽課大使周循方。並未投供領照驗看。應比照候補候選人員之例一體准其鄉試。

道光二十五年。劄覆浙江學政議叙五品以上職銜應照六品職銜之例補捐監生。就應鄉試

至俊秀議叙七八品銜。職銜較大。若仍應童試。未免無所區別。應比照議叙六品職銜之例。補捐監生。改應鄉試。不准再應童試。

道光二十六年。據已革舉人周灝孫呈稱。係河南祥符縣人。由監生中式癸卯科順天舉人。因覆試考居不列等。奉

上旨革去舉人。伏思覆試斥革。並無別項弊端。情願以原名另捐監生。就應鄉試等情。查周灝孫因覆試考居不列等。革去舉人。本部核其情節。尚非科

場舞弊應准以原名另捐監生一體鄉試

又據山東福山縣附生謝寶垣呈稱生於道光十九年考取天文生前赴戶部報捐貢生奉戶部批示以生列入開除項下不准報捐伏思生因考取天文生開除學冊並非不准考試之人取結呈乞知照戶部准捐貢生等因查附生謝寶垣考取天文生開除學冊與緣事斥革者不同仍應准其捐考

又准國子監咨呈雲南副貢唐任揆肄業期滿

二十五年選河陽縣訓導因病未赴任。在吏部
呈請開缺。本年六月起病在案。現由吏部咨送
錄科。可否准其應試之處。核覆遵辦等因。查副
貢唐任揆。雖經選授訓導。究係未經到任。卽行
開缺之員。與實缺教職及分發各省試用者有
間。仍應准其由副貢生應順天鄉試。

道光二十七年。據捐輸通判方慶椿呈稱。係江
西南昌縣人。道光二十六年。在陝西捐輸通判
分發南河候補。領有執照。未經赴部驗看。分發

情願補捐監生。就應鄉試等情。查例載。佐貳人員。加捐分發。籤掣省分試用之員。不准鄉試等語。又道光二十三年。貴州監生周循方。捐輸鹽大使投効海疆。尚未投供驗看。准其鄉試在案。今捐輸通判方慶椿。呈請補捐監生應試之處。既據吏部咨覆。尚未驗看分發。應准其補捐監生。就應鄉試。

道光二十九年。准兵部咨。准湖南巡撫咨稱。承蔭七品監生印啟祥。年已及歲。應發標學習。據

印啟祥稟稱誦讀詩書並未操習騎射情願應
試文闈等情該七品蔭監生印啟祥不諳騎射
應試文闈應咨禮部辦理等因查湖南承蔭七
品監生印啟祥不諳騎射應准其一體鄉試

道光三十年據山東附貢生候選離職王燮堂
呈稱前在刑部司獄任內呈請鄉試經部援案
咨駁今已離任吏部註冊以縣丞等官候選於
四月到部投供與京官離任准予鄉試之例相
符呈乞恩准等情當經本部行直吏刑二部去

後。茲准刑部覆稱該員於本年三月二十二日開缺。並准吏部覆稱該員三年期滿業經開缺註冊照例陞用。在部投供。尙未得缺各等因。查前任刑部司獄王燮堂既已三年期滿離任。現在吏部投供候選。尙未得缺。核與例案相符。應准其一體鄉試。

又片覆戶部。准戶部咨送江西省官紳士庶捐輸米石案內。候選訓導鍾觀濂捐同知職銜。候奉

旨後將訓導註銷。應否仍准其鄉試。咨部查明咨覆。
等因。查例載貢監生就職加捐及候補候選人
員俱准鄉試。今江西候選訓導鍾觀濂捐同知
職銜。應仍准其鄉試。

附載舊例

康熙四十四年奉

上諭。凡南巡考取貢生監生。帶來纂書者。著翰林院移
文咨順天府府尹一體鄉試。內有生員亦准一體鄉
試。欽此。

乾隆元年議准各省舉博學鴻詞科。有由生員
舉報到京者。准其應順天鄉試。

乾隆四十四年奏准四庫全書處。凡有寄
籍順天人。學成。應照例改歸該省原籍。併有由

召試二等。在館行走各生。以在館磨鍊。不能回原籍應試。俱呈請就近在順天鄉試。應准其按照省分。歸於南北中。其字號照例由本館咨送國子監一體錄科鄉試。

附載駁案

乾隆六年。議覆御史祿謙奏稱。嗣後凡正途出身之佐貳等官。遇鄉試年。俱照教官之例。准其鄉試。中式之後。准其會試等語。查教官專司課士。於舉業有教學相長之益。平時講習。正於職分無曠。故向例准其一體應試。至佐貳等官。所司或係漕糧。或係捕盜。以及河防禁獄諸務。皆關地方緊要之事。若復用心舉業。以圖應試。必於職事多所廢弛。且定例選用教官。不出本省。其應試之處。原屬就便。若佐貳官所選地方。例係隔省。多有相去甚遠者。如概行回籍。及赴京應試。不惟曠職愈久。亦且跋涉維難。該御史所奏。佐貳等官准其鄉試之處。勢屬難行。應毋庸

議。

乾隆十年。議覆直隸總督高斌咨稱。恩拔副榜。歲貢監生。如已捐考職銜。揀發外省委用。未經得缺。及在河工等處効力。未經委用得缺者。是否准其鄉試之處。例內並無明文。查武場條例。如千把總等。係有防守汎地之責。仍准其一體會試。則効力有職貢監。似得一體應試等語。查揀發外省委用。及在河工効力人員。雖未經得缺。但俱屬據呈揀發。並非候選者可比。今既情願揀發。若再行准其鄉試。則原籍地方。恐遠近不等。未免有曠職守。難以照千把總之例。遽議准行。

嘉慶五年。咨覆浙江巡撫阮元咨稱。浙省保舉孝廉方正。已給六品頂戴之生員。是否可以給文赴京闈鄉試等因。查貢監兩途。無論本省京闈。皆准鄉試。其保舉孝廉方正。僅給以六品頂戴者。並未加有職銜。仍以貢監爲本資。所以准其南考。至生員雖加頂戴。亦無職銜。又未有作

爲貢監之明文與候選人員可由吏部送各館磨錄各學教習現有事可由各館各學送考者更復不同定例仍由教官申送學政錄科蓋由於此歷來既無成案難以輕議更張且本省原准鄉試並非上進無階亦不必定入京闈始能中式所有該撫咨請給與六品頂戴之生員南北闈一體鄉試之處未便准行

特恩准

嘉慶九年議覆廣西布政使恩長條奏鼓勵一摺查捐納候選之貢監生向例不准應試乾隆元年仰蒙

令一體鄉試原以此等人員需次選曹並無應行差委之事是以准其鄉試以示鼓勵至加捐分發籤掣各省試用之員遇有地方公事與實缺人員一律差委非在部議選者可比自不便與士子復爭進取若准其鄉試不惟有佔舉咬進身之途更恐此例一開凡希圖回籍之人皆得籍稱鄉試紛紛呈請告假行至數年之後必至差委乏員於地方亦甚有關係所有該布政

使奏請分發佐雜人員回籍鄉試之處應毋庸議。

嘉慶十一年。嚴覆吏部咨。江蘇周之範。曾在湖北軍營効力打仗。及大功告竣。由軍營及大臣賞給六品頂戴。並未奏明奉有

諭旨。係屬外給虛銜。與實在捐納議叙職銜者有間。可否與貢監生一體應試等因。咨查到部。查向來辦理成案。由軍營効力人員。保奉

旨賞給頂戴職銜貢監生員者。均准鄉試。今江蘇如皋縣人周之範。曾在湖北軍營出力打仗。經軍營大臣賞給六品頂戴。並未奏明奉有

諭旨。自與奉

旨賞給頂戴職銜者不同。應不在其一體應試。

嘉慶十一年。嚴覆順天府咨呈。

實錄館漢校對官曹江。係江蘇上海縣監生。現任大理寺右評事。緣本年順天鄉試情願與考。查監生一項。前經吏部奏准。一體保送御史。似應作為正途。但例內究無應生作為正途明文。應否准

其入冊鄉試之處。咨查到部。查定例。現在小京官願應鄉試。如由俊秀貢監出身者。仍送國子

監錄科。即現充

實錄館

錄科等官。由俊秀貢監出身者。亦應一體送監

錄科。原以例須覈對文理筆跡。不得徑送鄉試。歷經遵辦在案。又例載廩生領取執照。准由國子監驗明。錄送順天鄉試。其錄科照貢監之例。由監查明出身。分別辦理等語。是廩生一項。雖經吏部奏明保舉。作為正途。與平民捐監者不同。但本部科場條例內。並無廩監生考試。准作正途貢監考試之例。今大理寺右評事曹江。係由俊秀監生。承廩七品京官。應如順天府所咨照例。赴國子監錄科。

又覈覆福建學政葉紹本咨呈。

至聖廟司樂官缺出。由衍聖公揀選。咨補。選得王獻猷。福建龍溪縣附生。頂補。應否以捐職註冊。抑或。以原銜應試鄉場。請示到部。當經行文衍聖公。查明。

聖廟執事官例定幾項司業是否係屬執事官嗣據覆稱查定例

聖廟執事官一項准其一體鄉試係專指孔氏三品以及九品官由貢監生及生員童生充補者而言至司樂一項額設一員固係

聖廟供職官屬原與孔氏執事官例准鄉試者不同並非司樂亦係屬執事官向例司樂缺出由本爵於堪用人員內揀選咨補領憑任事例無鄉試之文等語又經本部行文吏部查明

聖廟司樂一缺係何品級向由何項人等揀補是否各直省應試生員均准題補有無陞轉之階復據覆稱

至聖廟屬官由衍聖公保舉各省生員咨部題補給憑任事恭遇

覃恩照正七品職銜給與

封典司樂缺出向由衍聖公於各省生員揀選保舉咨部具題補授檢查品級考內並無司樂陞轉之階等語查

聖廟司樂一員。照例得邀

恩給典封典。卽與在學生員不同。福建附生王獻鵬

業經咨補司樂。自當在

聖廟供職。不准再應鄉試。

嘉慶十五年。覈覆吏部咨。據陝西六品軍功陳珠樹呈稱。係江蘇溧陽縣副榜。緣事被革。嗣因陝西教匪滋事出力。部議給還原中頂戴。珠樹係已革副榜。給還原中頂戴。是否給還原中副榜。乞行知禮部本省等語。查軍功議叙案內。陳珠樹本部原題內。僅止聲明給還原中頂戴。並未題明給還原中副榜等因。咨行到部。查陳珠樹前曾在本部呈請捐復。當卽檢查原案。係因表兄監生朱景輅赴監考到。囑令代做。該革貢隨趕做四書經文。交皂隸傳遞。經監查出。奏交刑部審擬。革去副貢生。發近邊充軍。於嘉慶元年

恩

詔赦回。實係弊在科場。不准捐復。批駁在案。今據吏

部咨稱。原題內並未題明給還原中副榜。應只

欽定科場條例

卷四

嘉慶十八年議覆四川總督常明奏土司志切

准其頂戴榮身仍不准應鄉試

嘉慶十八年議覆四川總督常明奏土司志切觀光懇請捐監應試一摺據稱九姓長官司任清承襲以來不甘廢棄情願捐監應試等語查土司舊有生監出身者承襲之後准其以本身生監仍應鄉試今九姓長官司任清並非生監與雍正十三年貴州土司龍紹儉原係生員准其應試者不同未便援照辦理且該土司既經承襲即係職官以職官而捐監生殊於體制本符所有該總督奏請土司任清捐監應試之處應毋庸議

嘉慶二十一年准江西巡撫咨稱瀘溪縣童生丁紹本本係童生賞給九品職銜並非由貢監出身可否准與生員一體鄉試抑仍令其就應童試之處咨請示覆等因查例載賞給職銜人員由貢監生員出身者准其鄉試今丁紹本雖經賞給虛銜並非由貢監出身自應仍令就應童試未便准其與生員一體鄉試

嘉慶二十二年。議奏浙江山陰縣茅松齡。由監生捐納通判。分發山東。到省後回籍措資。嗣由縣申送學政錄遺。經學政汪廷珍錄取入場中式一案。查已經分發人員。不得告假回籍鄉試。案載甚明。禮部歷經遵辦。至則例內載貢監生就職加捐。及候補候選人員。俱准鄉試之條。係專指在京各衙門學習行走候補候選人員。暨外省教職。及就職捐職在籍候補候選者。原不指分發人員而言。今浙江茅松齡。由監生捐納通判。分發山東試用。已經半載。因資斧不足。告假回籍措資。本係不准鄉試之人。乃違例應試。請

冒將茅松齡所中舉人。於禮部題名錄內除名。以符定例。

又准國子監咨。南城揀發試用正指揮江蘇監生徐珍。赴監錄科。應否咨送鄉試等因。查該員揀發南城試用。原係聽候差遣委用之員。究有地方職守。與在部候補候選人員不同。且京官

七品以下實缺。例得應鄉會試。而實缺副指揮並無准其應試者。以此比例。則指揮之不得與京官一體辦理可知。再候補京官應試。有衙門學習行走。是以就本衙門咨送。其候補正指揮係聽候巡城差委。與各部院行走者迥別。所有指揮徐珍請應鄉試之處。應不准行。

嘉慶二十三年。批駁兵馬司副指揮趙林呈稱。前在國子監錄科。茲於七月二十四日。揀發中城。呈請鄉試等因。查兵馬司副指揮趙林。既經揀發中城。卽有地方職守。所有呈請鄉試之處。應不准行。

嘉慶二十四年。劄覆陝甘學政。乾州文章祝華封。係廩生入泮。詳免錄遺一案。查科場條例內載。難廩監生。尙未學習期滿補缺者。俱准應本省鄉試。又恩廩佐雜各員。未經赴省効用者。准其一體鄉試。各等語。是廩生既有准其鄉試之例。卽不得復應童試。今乾州廩生縣丞祝華封。並不呈明廩生。徑行投考。入學後始行呈明。實

屬違例。所進生員應行註銷。以符定制。
嘉慶二十五年。咨覆順大學政咨稱。昌黎縣增
生張榮本。生子張輝。選授深州安平縣教諭。請
領

誥封。生既授封職。例應開除。如遇鄉試之年。情願應
試。呈請開除等因。本部檢查例案。並無身受封
職。重應鄉試之條。所有張榮本於開除後。如遇
鄉試之年。不准應試。

道光元年。准吏部咨。捐納知縣趙林。呈請錄科
應試等因。查定例各省試用知縣。並未委署地
方者。准其應試。今捐納知縣趙林。前係捐納副
指揮。棟發中東各城。前經呈請鄉試。經本部以
該員有地方責守。批駁在案。今吏部咨稱。趙林
現加捐知縣。應否應試。查該員前既棟發中東
各城。卽與委署地方無異。應不准其鄉試。
道光二年。劄覆江蘇學政咨稱。據元和縣籍分
發山東試用州同陸之熊。告假回籍。呈請一體
鄉試。咨呈查照。示覆等因。查例載大挑舉人以

知縣試用。因到省補缺尙遠。有志觀光。自行呈明改教。並告假回籍。實係未經委署各員。惟其一體會試。又嘉慶二十二年。本部奏准。浙江茅松齡捐納通判。分發山東試用。已經半載。因告假回籍措貲。本係不准鄉試之人。乃違例應試。請

旨將茅

松齡取中舉人除名。以符定制。各等因。在案。今

江蘇元和縣陸之熊。係由監生挑取。謄錄議叙。州同。分發山東試用之員。既與嘉慶十八年本部議准之案。專指大挑舉人而言。有不同。且與茅松齡之案。事同一律。所請鄉試之處。應不准行。

又劉覆國子監杏。據孝廉方正王捷三呈稱。係陝西大荔縣附生。於道光元年。蒙撫憲保舉孝廉方正。咨部給與太品頂戴。隨親直隸任所。讀書。茲恭逢本科鄉試。取具隨任印文。赴監錄科等情。應行文禮部查明。可否准考之處。希卽咨覆。以便辦理等因。查科場條例內。載嘉慶五年。

本部議覆浙江巡撫咨保舉孝廉方正已給六品頂戴之生員是否可以給文赴京闈鄉試等因查貢監兩途無論本省京闈皆准鄉試其保舉孝廉方正僅給以六品頂戴者並未加有職銜仍以貢監爲本資所以准其兩考至生員雖加頂戴並無職銜又未有作爲貢監明文與候選人員可由吏部送考各館瞻錄各學教習現有職事可由各館各學送考者不同且本省原准鄉試並非上進無階不必定入京闈始能中式所有該撫咨請給與六品頂戴之生員南北闈一體鄉試之處未便准行等語所有保舉孝廉方正之陝西附生王捷三並非貢監出身其呈請北闈錄科鄉試之處與例不符

又劉覆順天府咨稱據候補瞻錄奉天附生劉天節呈稱於戊辰科入學丙子科鄉試挑取瞻錄在京候補今壬午科鄉試尚未錄科如赴盛京學政衙門錄科恐誤投供日限如隨瞻錄錄科此時瞻錄尚未補館勢處兩難可否准其取

同鄉官印結。咨送國子監錄科。並應否編入北
皿字號。抑或仍歸夾字號。咨請核覆前來。查定
例順天鄉試。奉天府屬各生。應編夾字號。今候
補膳錄劉天節。籍隸奉天。其應順天鄉試。例應
歸入夾字號。不應在監錄科所有呈請就近取
結錄科之處。與例不符。擬難辦理。

又劄覆福建學政咨稱。上杭縣學附生莫樹樞
恭遇

覃恩。賜封儒林郎翰林院庶吉士。應否再准應試之
處。咨請部示等因。查福建上杭縣附生莫樹樞
因伊弟莫樹椿中式庚辰科進士。

欽點庶吉士。恭遇

覃恩。賜封儒林郎翰林院庶吉士。附生莫樹樞。既經
身受

封典。自應於學冊內開除。免其歲考。亦毋庸再應鄉
試。

道光四年。劄覆順天府尹咨稱。司獄陸汝霖可
否准其一體鄉試。咨部覆辦前來。查科場條例。

內載乾隆六年御史祿謙奏請正途出身之佐貳等官。准其鄉試。經本部議覆。佐貳等官。所司或係河防禁獄諸務。皆關地方緊要之事。各復用心舉業。以圖應試。必於職事多所廢弛。所有佐貳等官。准其鄉試之處。應毋庸議等語。今順天府司獄。係專司禁獄人犯。責任緊要。較與順天府經歷不同。未便以同列京察。准其應試。至該員呈內所稱刑部司獄。照小京官之例。准送鄉試。查本部例內。並無刑部司獄。准其鄉試明文。所有順天府司獄陸汝霖。呈請鄉試之處。應不准行。

道光八年。據番役林廷選之孫監生林霽。呈請考試一案。查嘉慶七年。奉

諭。吏部議覆給事中恩治奏。步軍統領衙門番役。應否准其出仕考試一摺。番役一項。專司緝捕盜犯。原與隸卒無異。凡各衙門皂役人等。例不准爲官。其子孫亦不准應試。則番役自應比照此例。以昭畫一。其子孫應試。曾經進學及中式者。留其舉貢生員。不准

選用官職。此後亦不准再行應考。倘再行濫請。卽以違制論等因。欽此。欽遵在案。今監生林霽呈請應試之處。查該監生之祖林廷選。曾于乾隆年間充當步軍統領衙門番役。其子孫係奉

旨不准再行應考之人。所請應不准行。

道光十一年。准廣西巡撫咨。試用直隸州州判李含芳。係由正途拔貢就職。遵例加捐分發來粵。到省後尙未委署得缺。較與實缺人員有間。應否准其告假回籍鄉試。咨部查照等因。查拔貢李含芳。就職直隸州州判。業已分發。雖尙未委署得缺。原係聽候差遣委用之員。與在部候補候選人員。並就職捐職在籍候補候選者不同。所有該員告假回籍鄉試之處。數與定例不符。應不准行。

道光十四年。劄覆國子監咨稱。據江蘇丹徒縣申送承襲雲騎尉世職文生戴宸銓。赴監肄業錄科。據文內聲稱。該生因身體素弱。從師課讀。遵例呈明不收食俸。情願以本職頂戴作爲文

生一體鄉試。前蒙部覆准作文生在案。今赴監肄業。就近應順天鄉試等情。查該生戴宸銓係承襲雲騎尉世職。奉部覆准作為文生一體鄉試。惟此項文生。是否正途。應否本監收考。應咨呈禮部查明劄覆等因。查江蘇雲騎尉世職。改為文生員戴宸銓。應由本省學政錄科鄉試。其就應順天鄉試之處。並非貢監生出身。既未便編入南皿。又未便編入北貝。無號可歸。碍難准其入場。

道光十六年。准吏部咨。刑部候補員外郎尹紹烈描寫券紙。以為取盈之計。照不應重律杖八十。降三級調用。係私罪毋庸查加級紀錄。議抵等因。奉

旨依議。欽此。查候補員外郎尹紹烈係副榜出身。因案降調。現據吏部聲明係屬私罪。應照例不准鄉試。

道光十九年。據四譯館候補序班王鶴汀呈稱。係順天大興縣人。由童生考取禮部譯字生。補

四譯館序班查會典內載禮部儒士准令一體鄉試又查科場條例內載

至聖廟執事官由貢監生充補情願鄉試者准令一體應試若係生員童生准作監生應試等語今當鄉試之年懇請援照例案准令一體鄉試等因查本部歷來辦過成案凡由貢監生員及恩廩生出身者俱准應試其餘雜項人員非由生監出身者例不准應試今該序班由童生考取譯字生並非貢監生員恩廩生出身與鄉試之例不符且遍查會典亦無禮部儒士准令一體鄉試之條卽所稱

聖廟執事官生員童生准作監生應試之例係專指聖廟執事官並非概指雜項人員而言該序班何得援引此案率行竇請所有四譯館候補序班王鶴江呈請鄉試之處應不准行

道光二十三年准前任湖北學政谷稱前任崇陽縣學教諭方梁材因逆匪滋事案內降二級以正九品歸籍候選請應本省鄉試惟例內並

無現任教職因案降為佐雜人員尚未分發應
本省鄉試專條是否仿照佐雜人員未經赴省
試用准其鄉試之例咨部示覆等因查前任崇
陽縣教諭方梁村因逆匪滋事案內降二級以
正九品歸籍候選呈請鄉試之處應比照緣事
降為雜職不准會試之例不准鄉試

道光二十六年准刑部片稱本部右侍郎張澧
中之子張樹憲係陝西潼關縣學附生由順天
捐輸以復設訓導不論雙單月選用該生雖係
附生惟業已捐輸教職給有執照且現在隨任
讀書記是否可以在京鄉試等因查向來各直省
貢監各生准赴國子監錄科應順天鄉試今該
生張樹憲係由陝西附生捐輸以訓導銓選並
無貢照可驗與順天鄉試之例不符

道光二十九年准順天府文稱准刑部咨送實
缺司獄王燮堂應順天鄉試例內並無刑部司
獄准其鄉試明文咨部查照等因查科場條例
內載道光四年順天府司獄陸汝霖經該府尹

咨請可否准其鄉試。本部查順天府司獄係專司禁獄人犯責任緊要。未便以同列京察。准其應試。咨駁在案。今刑部實缺司獄王燮堂係專司禁獄之員。較之順天府司獄責任尤重。自應比照陸汝霖成案辦理。

道光三十年。據已革通判馬廷樞呈稱。孫浙江仁和縣人。由監生遵籌備事例報捐。州同候選。會應順天鄉試。復遊豫工頭。卯例加捐。通判。投効東河。捐輸案內。奏留南河。二十四年。奏補海安河務通判。二十七年。前任兩江總督以革員年少虛華。不務上進。奏參革職在案。今因年力正強。不甘廢棄。情願加倍捐復監生。原名鄉試等情。到部。查浙江已革通判馬廷樞係曾任實缺人員。被參革職。所有呈請加倍捐復監生原名鄉試之處。與例不符。應不准行。